



Pronađena veća količina oružja, municije, eksplozivnih sredstava i opojne droge

23.02.2022

Dana 22.02.2022.godine u 19,20 sati u ulici Gabrielle Moreno Locatelli, općina Centar Sarajevo, policijski službenici Druge PU su zaustavili i kontrolisali putničko motorno vozilo marke “VW Polo”, reg. oznaka J50-M-202, kojim je upravljao vozač H.H., rođen 1982.godine u Sarajevu, gdje je i nastanjen, dok se na mjestu suvozača nalazilo lice A.O., rođen 1980.godine u Sarajevu, nastanjen u Trnovu. Izvršenim pretresom kod A.O. su pronađena i oduzeta 3 paketića sa suhom zeljastom materijom koja asocira na opojnu drogu marihuanu. O prednjem je obaviješten dežurni tužilac Kantonalnog tužilaštva Kantona Sarajevo. Na osnovu Naredbe Općinskog suda u Sarajevu, policijski službenici Druge PU i Odjeljenja za borbu protiv zloupotreba opojnih droga-Sektora kriminalističke policije izvršili su pretres navedenog vozila.

Izvršenim pretresom su pronađena i od H.H. oduzeta 2 mobilna telefona, pribor za konzumiranje narkotičkih sredstava i jedan paketić sa bijelom materijom koja asocira na opojnu drogu spid. Također, izvršen je pretres stambenog objekta u ulici Borak, općina Centar Sarajevo koji koristi A.O. i tom prilikom je pronađeno i oduzeto sljedeće:

- oko 700 grama materije koja asocira na opojnu drogu spid,
- . oko 300 grama materije koja asocira na opojnu drogu marihuanu,
- 3 ručne bombe.
- 5 pištolja
- 118 metaka različitog kalibra,
- 4 okvira za pištolj i
- jedna kartonska kutija eksploziva (barut) bruto mase oko 500 grama.

Zbog postojanja osnova sumnje da je počinio krivična djela iz člana 238. stav 1., člana 371. KZ F BiH (Neovlaštena proizvodnja i stavljanje u promet opojnih droga) i člana 74. ZONDINOM-a Kantona Sarajevo, O.A. je lišen slobode, dok je H.H. lišen slobode, zbog postojanja osnova sumnje da je počinio krivično djelo iz člana 239. tav 3. KZ F BiH (Posjedovanje i omogućavanje uživanja opojnih droga). Isti su predati u prostorije Jedinice za osiguranje objekata i zadržavanje osoba lišenih slobode MUP-a Kantona Satrajevo. Policijski službenici, pod nadzorom Kantonalnog tužilaštva Kantona Sarajevo, nastavljaju dalju kriminalističku obradu nad navedenim licima.

